

Si fait sciri a is interessaus ca finas a su **30/12/2020** si podit fai dimanda po su **BONU SOTZIALI ÌDRICU INTEGRATIVU 2020** po assinnai agevolamentus econòmicus, a tràgiu de rembursus tarifàrius, deretus a "impitadoris dèbilis", est a nai a nùcleus familliaris chi tenint sa residèntzia me in is Comunas in gestioni a Abbanoa Spa chi s'agatant in cunditzionis sotziueconòmicas malas.

RECHISIUS GENERALIS DE AMMISSIONI

S'ammitint a sa mesura de su BONU SOTZIALI ÌDRICU INTEGRATIVU:

- Is impitadoris deretus intestatàrius de impitu Domèsticu Residendi, assumancu po unu de is chi faint parti de su nùcleu ISEE e candu tenint custus arrechisius:
 - sa residèntzia anagràfica de s'intestatàriu de su cuntratu de frunidura ìdrica depit torrai paris cun s'indiritzu de sa frunidura de su cuntratu etotu;
 - su nominativu e su còdixi fiscali de s'intestatàriu de su cuntratu de frunidura ìdrica depit torrai paris cun su nominativu de unu de is chi faint parti de su nùcleu ISEE.
- Is impitadoris non deretus, a cunditzioni chi sa residèntzia anagràfica de unu cumponenti su nùcleu ISEE torrit paris cun s'indiritzu de sa frunidura condominiali o agregada chi su nùcleu etotu impreat, o a cunditzioni chi s'indiritzu de residèntzia anagràfica de su chi fait rechesta portit a s'indiritzu de frunidura de s'impitu condominiali o agregada.

Po si fai ammiti a s'agevolamentu is chi faint rechesta depint fai parti de sa tipologia sòtziu-econòmica chi tzèrriant "impitu dèbili". Su rechisiu de primori po pigai parti est cussu ca su nùcreu familliaris de s'impitu tèngiat un'inditadori **ISEE non prus mannu de € 20.000,00.**

Su nùcleu ISEE in cunditzionis de disàgiu econòmicu sotzialis tenit deretu a su BONU INTEGRATIVU **po unu cuntratu de frunidura sceti.**

MESURA DE IS AGEVOLAMENTUS

S'importu de su BONU Integrativu chi spetat a cadaunu beneficiàriu est paris a:

- 25,00 èurus a cadaunu cumponenti de su nùcleu familliaris cun inditadori ISEE ordinàriu asuta de 9.000,00 èurus;

- 20,00 èurus a cadaunu cumponenti de su nùcleu familliaris cun inditadori ISEE de 9.000,00 èurus finas a 20.000,00 èurus.

MÒDULU E DOCUMENTUS DE AUNIRI

A sa dimanda po intrai a su beneficiu impreendi su mòdulu chi s'agatat in su situ: **<https://bonusacqua.it>** s'ant a depi auniri:

- unu documentu de arrecognoscimentu bàlidu;
- una bulleta chi pertocat s'impitu;
- còpia de s'atestatzioni de **s'ISEE ORDINÀRIU** bàlidu a sa data de intregu de sa dimanda

TÈRMINIS E MANERAS DE INTREGAI IS DIMANDAS

Is dimandas po intrai a su beneficiu si depint intregai sceti, aintru e sena de sartai sa dii 30 de su mesi de idas. No at a balli sa rechesta fata sena de sighiri custus tèrminis. Sa rechesta de cuncessioni de su Bonu Sotziali Ìdricu si podit intregai:

- **a su CAAF CGIL Sardigna** in Sabarussa in sa bia de Is Gràtzias n. 58, su mèrcuris a merii, o in Aristanis in su Cursu Umbertu I n.16, de su lunis a sa giòbia a mangianu e merii (foras de su mèrcuris a merii);
- **in linia** po mesu de su situ apostu **www.bonusacqua.it**